

西方愿文解讲记 科判

明 净业弟子祿宏 著并释 智圆法师 讲述

释道净整理（添加甲乙等） 20240715 4 稿 微信 qq 973451196 校对 禁止商用篡改 法律责任必究
表 1: (2 表)

科判			文释
全文分二	甲一总序归敬分三	乙一标主	稽首西方安乐国 接引众生大导师 稽首者，以首叩地，敬之至也。西方国土无量，今归敬者，西方之安乐国也。安乐，极乐之异名也。 或名安养，或名清泰，其义一也。接，摄取也。引，指导也。 众生沉沦，接取置之善地。众生迷昧，指导归之正途。凡知识罗汉菩萨如来，皆接引导师，如畋猎之有虞人，涉川之有舟长，问路之有土民也。 惟佛为群导师之中大导师也。 大，二意，一普度群灵无遗失故，二究竟成佛无退转故。
		乙二明愿	我今发愿愿往生 信行愿三，净土资粮。但言愿者，惟信故愿，愿之切者，必其信之真也。行以愿立，愿之切者，自能行之力也。 是以弥陀经中，专说发愿愿往，不一而足。
		乙三请加	惟愿慈悲哀摄受 愿文备矣。 或问，古云把手牵他行不得，惟人自肯乃相应，何乃求佛摄受耶。 答，一者弥陀本愿力故，二者求佛摄受正自肯故，三者感应道交正相应故。
	甲二正述愿文分三	乙一求生西方正因分五	弟子(某甲众等)，普为四恩三有，法界众生，求于诸佛一乘无上菩提道故，专心持念阿弥陀佛万德洪名，期生净土。 先出念佛求生净土之本志也。普为者，兼利为怀，不为自身独求解脱也。一乘者，佛果为期，不于余乘妄有希冀也。发如是心，乃修净土，是谓正因。苟为不然，虽勤念佛，因地不真，果招迂曲。四恩者，在家则父母众生国王三宝，出家则父母师长国王施主也。三有者，欲有色有无色有也。
			又以业重福轻，障深慧浅，染心易炽，净德难成。今于佛前，翘勤五体，披沥一心，投诚忏悔：我及众生，旷劫至今，迷本净心，纵贪瞋痴，染秽三业，无量无边，所作罪垢，无量无边，所结冤业，愿悉消灭。 承上虽发大心，恐宿世今生业障多而福慧少，欲净偏染，故须忏悔。本净者，心本自净，因迷成染，今始觉知，惭愧修省。若本不净，如销顽铁欲成真金，纵经百炼终不成就。三业者，身业意业口业也。三业各具贪瞋痴故。
		丙三立愿自要	从于今日，立深誓愿，远离恶法，誓不更造，勤修圣道，誓不退惰，誓成正觉，誓度众生。 虽已忏悔，不发誓愿，是谓有忏无悔。 要者，犹俗云胁迫，古曰要君，今自要故。四句，即四弘誓也。 远离句，即烦恼无尽誓愿断也。勤修句，即法门无量誓愿学也。 誓成句，即佛道无上誓愿成也。誓度句，即众生无边誓愿度也。
			阿弥陀佛，以慈悲愿力，当证知我，当哀悯我，当加被我。 愿禅观之中，梦寐之际，得见阿弥陀佛，金色之身；得历阿弥陀佛，宝严之土；得蒙阿弥陀佛，甘露灌顶，光明照身，手摩我头，衣覆我体。 古净土文谓，佛以天眼遥观，天耳遥闻，他心速见，故行人既发大心，佛必证知。既证知已，佛大慈悲必垂哀悯。既哀悯已，佛大威神必垂加被。 显如禅观，幽如梦寐。所云金色宝严，甘露光明，手摩衣覆，精诚之极，感应自然。或不精诚与精诚未极，则不能也。 然行人但须一心精诚，不必因此生著，作意求现。
		丙五净业成就	使我宿障自除，善根增长，疾空烦恼，顿破无明，圆觉妙心，廓然开悟，寂光真境，常得现前。 既以自力，又蒙佛力，内外交资，故障灭善生。有如是等大利益事。空而曰疾，不劳肯綮修证也。破而曰顿，不历阶级次第也。了悟圆觉，常住寂光，至是得本净心，故曰净业成就。宿障者，贪瞋痴等。善根者，戒定慧等。 妙心真境，言之似分，实则即心即境，即境即心，二而不二。

表 2: (2 表)

全 文 分 二	甲 二 正 述 愿 文 分 三	乙 二 得 生 西 方 明 验 分 三	丙一临终正念	<p>至于临欲命终，预知时至，身无一切，病苦厄难；心无一切，贪恋迷惑；诸根悦豫，正念分明，舍报安详，如入禅定。</p> <p>至于者，前修净因，故至临终，感斯净报也。</p> <p>平日散心杂念，临行挥霍惶惶。念佛若至一心，临终安得不定。然行人但贵已离贪恋迷惑，勿虑或遭病苦厄难。</p> <p>倘遭病厄，当知念佛人死此往生，如脱敝衣，得换珍服，如出牢狱，得还故家，不亦乐乎。</p> <p>况古云还有不病者么，则亦有不厄者，复何虑哉。</p> <p>病苦者，身所生。</p> <p>厄难者，身所遇。贪恋者，或贪眷属，或贪财产，不能舍故。</p> <p>迷惑者，心念颠倒，如不知地狱，而曰我欲往中，我欲往中故。</p>
			丙二感佛来迎	<p>阿弥陀佛，与观音、势至，诸圣贤众，放光接引，垂手提携。楼阁幢幡，异香天乐，西方圣境，昭示目前。</p> <p>令诸众生，见者闻者，欢喜感叹，发菩提心。</p> <p>经云执持名号一心不乱，其人临命终时，阿弥陀佛与诸圣众，现在其前是也。</p> <p>众见发心，则自他兼利矣。又众人皆见，其事乃真。</p> <p>独己见之，或是魔事。</p>
			丙三往生极乐	<p>我于尔时，乘金刚台，随从佛后，如弹指顷，生极乐国，七宝池内，胜莲花中。</p> <p>上见佛来，今随佛去，无来去中而来去也。胜莲花者，上上品也。</p>
	乙 三 已 生 净 土 大 用 分 四		丙一见佛得记	<p>花开见佛，见诸菩萨，闻妙法音，获无生忍，于须臾间，承事诸佛，亲蒙授记。</p> <p>上言平日求生，临终得生，然岂徒得生而已乎。</p> <p>今言得生之后，亲蒙佛记，具足功德，广度众生，有如是等大用也。</p> <p>凡生西方者，花开有迟速，见佛有早晚，悟道有先后。</p> <p>今是举念即生，生已即花开，即见佛，即闻法，即得忍，即授记也。皆上上品事。</p>
			丙二蒙记具德	<p>得授记已，三身四智，五眼六通，无量百千，陀罗尼门，一切功德，皆悉成就。</p> <p>或疑，如是广大功德，累劫修习未必能得，云何一生西方皆悉成就。不知万法唯心，既得一心，何法不得。</p> <p>文殊般若称念佛为一行三昧，得此三昧，所有多闻智慧辩才远过阿难百千万亿倍。余可知矣。</p> <p>三身者，法报化身也。</p> <p>四智者，大圆镜，平等性，妙观察，成所作智也。</p> <p>五眼者，肉眼，天眼，慧眼，法眼，佛眼也。</p> <p>六通者，天眼，天耳，他心，宿命，神足，漏尽通也。</p> <p>陀罗尼者，此云总持。</p>
			丙三成德利生	<p>然后不违安养，回入娑婆，分身无数，遍十方刹，以不可思议自在神力，种种方便，度脱众生，咸令离染，还得净心，同生西方，入不退地。如此大愿，世界无尽，众生无尽，业及烦恼，一切无尽，我愿无尽。</p> <p>然后者，古所谓既生西方，得无生忍已，还来此世救苦众生也。</p> <p>不违而入者，常居九品，常在十方，时时堪忍度众生，刻刻西方入正定也。还得净心者，上言迷本净心，此言昔迷今悟，如久失方得，得其本有之净心，非新得也。</p> <p>愿无尽者，前来发起无上大心，故今成满无尽大愿也。</p>
			丙四普皆回向	<p>愿今礼佛发愿，修持功德，回施有情，四恩总报，三有齐资，法界众生，同圆种智。</p> <p>初始发心求生净土，本为四恩三有法界众生故。今回向亦如是。</p>